

Tgei ei da far en cass d'in mortori?

Mesiras immediatas

- La mort sto vegnir constatada d'in miedi, quel tschenta ora igl attest medical da mort.
- Informar ils pli tierparents, amitgs ed il patrun da lavur.

Contactar igl uffeci da stadi civil

- Contactei igl uffeci da stadi civil responsabel per il liug da la mort. Essas vus en possess digl attest medical da mort sche surdei quel agl uffeci da stadi civil.
- Vus haveis era la caschun d'annunziar persunalmein il mortori alla canzlia da vossa vischnaunca. La vischnaunca tarmetta vossa annunzia agl uffeci da stadi civil. Ei la persuna morta en in spital ni ina casa d'attempai vegn l'annunzia dalla mort liquidada tras lezzas instituziuns.
- El cudischet/attest da famiglia vegn la mort impurtada sche quel vegn surdaus.
- Per persunas da naziunalitad jastra ein eventualmein ulteriurs documents necessaris. Contactei persunter igl uffeci da stadi civil.

Contact cun la vischnaunca

- Informei l'administrasiun communal da vossa vischnaunca sur il mortori.
- Ei ina sepultura, cremaziun ni ina fossa comunabla previda?
- Tgei crematori ei "responsabels" per la vischnaunca.

Incumbensa ad in institut da sepultura

- Ei il mortori succedius a casa clamei in institut da sepultura.
- Aschi spert ch'il termin dil funeral ei enconuschents informei igl uffeci da sepultura.
- Secunvegnir pertuccont transport, ornament da flurs, baselgia e santeri.

Contact cun igl uffeci parochial

- Fixar il termin per il funeral.
- Organisar il decuors dil riug da bara, sepultura e portabaras.
- Deponer giavischs specials sco cuors dalla veta, musica, canzuns, participaziun d'uniuns ed ornament da flurs.

Avon la sepultura

- Informar uniuns dalla persuna defuncta.
- Formular l'annunzia da mort per la(s) gasetta(s) e surdar l'incarica (per la formulaziun dil text ei la stamparia gideivla).
- Empustar circularas da malencurada e surdar alla posta (cuviertas san vegnir retratgas directamein dalla stamparia). Schar stampar cartas d'invitaziun per il past da bara e metter tier.
- Sch'in past da bara ei previus reservar l'ustria e fixar il menu.
- Empustar ornament da flurs persunal.

Tier la sepultura

- Eventualmein envidar ulteriuras persunas enconuschentas ed amitgs al past da bara.
- Prender las cartas da condolientscha ord il caum da rimnada a casa.
- Nudar las donaziuns da tschupials e flurs surdadas sin santeri.

Suenter la sepultura

- Annunziar la mort alla cassa d'AVS, cassas da cumpensaziun e da pensiun, cassa da malsauns, posta, banca, segiradas ed eventualmein adattar ni visar contracts currentes.
- Tenor situaziun dallas assicuranzas dil defunct s'annunziar immediat e far valer prestaziuns da capital en cass da mort.
- Priu il cass ch'il defunct era persuls visar la habitaziun, segiradas etc.

Adatg

- Plenipotenzas da banca ordinarias scadan cun il di dalla mort. Tgi che ha da pagar quens en connex cun il mortori ei dependents d'ina plenipotenza ch'ei valeivla era sur la mort ora. Cass cuntrari sto vegnir procurau per in attest d'ierta ed ina plenipotenza da tuts artavels. Quei sa tut tenor situaziun trer alla liunga!
- Igl attest d'ierta ei d'empustar tier la dertgira regiunala dil davos liug da domicil dil defunct. Persunter ei in attest sur il stan registrau dalla famiglia dalla persuna pertuccada necessaris.

Quei document sa vegnir retratgs tier igl uffeci da stadi civil dil liug da burgheis dil defunct.
Ein testaments ni autras disposiziuns che cuntegnan la davosa voluntad dil defunct avon
mauns ein quellas d'inoltrar immediatamein alla dertgira responsabla.

- Attests ufficials da mort per segiradas, cassas da pensiun etc. san vegnir retratgs tier igl uffeci da stadi civil dil liug dil mortori.

Haveis vus ulteriuras damondas sche semettei en contact cun nus ni cun vossa vischnaunca da domicil.